

Հաստատում եմ՝  
Ավանդական բժշկության  
համալսարանի  
ռեկտոր, Պ. Խ. Նախագահ



Ն. Խ. Սարիբեկյան

20/16թ.

## ԿԱՐԳ

### ԱՎԱՆԴԱԿԱՆ ԲԺՇԿՈՒԹՅԱՆ ՀԱՍՏԱՍԱՐԱՆ ՕՏԱՐԵՐԿՐՅԱ ՔԱՂԱՔԱՑԻՆԵՐԻ ԸՆԴՈՒՆԵԼՈՒԹՅԱՆ

#### I. Ընդհանուր դրույթներ

- 1.1 Սույն կարգով սահմանվում են օտարերկրյա քաղաքացիների /այսուհետ՝ օտարերկրացիներ/ ընդունելությունը Ավանդական բժշկական համալսարան /այսուհետ ԱԲՀ/:
- 1.2 Սույն կարգով ԱԲՀ ընդունված ուսանողների համար ուսուցումը կարող է կազմակերպվել գրական հայերենով կամ օտար լեզվով /անգլերեն/:

#### II. Օտարերկրացիների ընդունելության կազմակերպումը

- 2.1 ԱԲՀ-ում օտարերկրացիները բարձրագույն մասնագիտական կրթություն կարող են ստանալ «Կրթության մասին» և «Բարձրագույն և հետբուհական մասնագիտական կրթության մասին» ՀՀ օրենքներով նախատեսված ուսուցման առկա ձևով:
- 2.2 Օտարերկրացիները կարող են դիմել ԱԲՀ նաև ընդհանուր հիմունքներով՝ դիմորդի փաստաթղթերը ՀՀ կրթության և գիտության նախարարության կողմից փորձաքննությունից՝ փաստաթղթում առկա տեղեկատվության իսկության ստուգումից և հյուպատոսական վավերացման առկայությունը ճշտելուց, ինչպես նաև հաշվառելուց հետո:
- 2.3 Սույն կարգով բակալավրի կամ անընդհատ և ինտեգրացված որակավորման աստիճան ստանալու համար ԱԲՀ կարող են դիմել այն օտարերկրացիները, ովքեր ստացել են առնվազն ՀՀ միջնակարգ կրթության մակարդակին համապատասխան կրթություն և ունեն նշված կրթությունը հավաստող ավարտական փաստաթուղթ/ատեստատ, վկայական/:
- 2.4 Սույն կարգով մագիստրոսի որակավորման աստիճան ստանալու համար ԱԲՀ կարող են դիմել այն օտարերկրացիները, ովքեր ստացել են առնվազն բակալավրի, դիպլոմավորված մասնագետի կամ մագիստրոսի որակավորման աստիճանին համապատասխան կրթություն և ունեն նշված կրթությունը հավաստող ավարտական փաստաթուղթ /դիպլոմ/:
- 2.5 ԱԲՀ-ում կրթություն ստանալու համար օտարերկրացի դիմորդների ընդունելությունն իրականացվում է դիմորդների փաստաթղթերի ուսումնասիրության և գիտելիքների ստուգման /այդ թվում նաև հետագա ուսուցման լեզվի իմացության/ հիման վրա:

- 2.6 Հետագա ուսուցման լեզվին ԱԲՀ-ի համապատասխան մասնագիտության ընդունելության համար նախատեսված քննական առարկաներին չտիրապետող օտարերկրացիները պետք է ուսուցումն անցնեն Համալսարանի նախապատրաստական դասընթացում:
- 2.7 Գիտելիքների ստուգումների արդյունքների հիման վրա դիմորդները կարող են ընդունվել առաջին կուրս:
- 2.8 Գիտելիքների ստուգումն անցկացվում է ԱԲՀ-ի կողմից սահմանված գիտելիքների ստուգման կարգով՝ ՀՀ միջնակարգ կրթական ծրագրով:
- 2.9 Մագիստրոսի կրթական ծրագրով ուսանելու համար դիմած օտարերկրացիների ընդունելությունն իրականացվում է դիմորդների փաստաթղթերի ուսումնասիրության հիման վրա: Հետագա ուսուցման լեզվին չտիրապետող օտարերկրացիները պետք է ուսուցման դասընթացն անցնեն ԱԲՀ-ի նախապատրաստական դասընթացում:
- 2.10 ԱԲՀ-ում գործող կրթական ծրագրերով երկրորդ մասնագիտություն ստանալու համար դիմած օտարերկրացիների ընդունելության ժամկետը, կուրսը և մյուս պայմանները սահմանում է դիմումները քննարկելու նպատակով ստեղծվող ատեստավորման հանձնաժողովը, որը ձևավորվում է ԱԲՀ-ի ռեկտորի հրամանով:
- 2.11 Սույն կարգով ԱԲՀ դիմորդների ընդունելությունն իրականացվում է նախարարության կողմից փաստաթղթերի փորձաքննությունից՝ փաստաթղթում առկա տեղեկատվության իսկության ստուգումից և հյուպատոսական վավերացման առկայությունը ճշտելուց, ինչպես նաև հաշվառելուց, միասնական տեղեկատվական բանկի ստեղծումից հետո, ՀՀ Կրթության և գիտության նախարարի ուղեգիր-նամակների հիման վրա, ԱԲՀ ղեկավարի հրամանով:
- 2.12 Սույն կարգով ԱԲՀ օտարերկրացիների ընդունելության ժամկետները սահմանվում են ՀՀ կրթության և գիտության նախարարի հրամանով:

### III. Նախապատրաստական դասընթացների կազմակերպումը

- 3.1 Նախապատրաստական դասընթացների առարկայական ծրագրերը, գնահատման համակարգը մշակվում ու հաստատվում են ԱԲՀ-ի կողմից:
- 3.2 Նախապատրաստական դասընթացում ուսանող օտարերկրացիները համարվում են ԱԲՀ-ի ուսանողներ: Նախապատրաստական դասընթացներն իրականացվում են միայն առկա ուսուցման ձևով, և դրանց տևողությունը պետք է կազմի առնվազն 6 ամիս:
- 3.3 Նախապատրաստական դասընթացից հեռացված կամ ազատված ուսանողները նախապատրաստական դասընթացում չեն վերակսնդվում: Նախապատրաստական դասընթացից տեղափոխություն այլ բուհի նախապատրաստական դասընթաց չի թույլատրվում:
- 3.4 Նախապատրաստական դասընթացում ուսուցումն ավարտվում է ավարտական քննություններով, որոնք ներառում են տվյալ մասնագիտության ընդունելության քննություններով նախատեսված առարկաները: Նախապատրաստական դասընթացի ավարտական քննությունների վերահանձնում չի թույլատրվում՝ բացառությամբ հիվանդության պատճառով քննությանը չներկայանալու դեպքերի՝ համապատասխան տեղեկանքի առկայության դեպքում:

- 3.5 Նախապատրաստական դասընթացի ավարտական քննություններից դրական գնահատական ստացած ուսանողներին տրվում է համապատասխան ավարտական փաստաթուղթ /վկայական/ համապատասխան ներդիրով:
- 3.6 Նախապատրաստական դասընթացի ավարտական քննությունները հաջողությամբ հանձնած ուսանողները հրամանագրվում են առաջին կուրս: Նախապատրաստական դասընթացն ավարտելիս «անբավարար» գնահատականներ ստացած ուսանողներին տրվում է համապատասխան տեղեկանք:
- 3.7 Մեկ բարձրագույն ուսումնական հաստատության նախապատրաստական դասընթացի վկայականը կարող է հիմք հանդիսանալ ԱԲՀ-ում ուսումն առաջին կուրսում շարունակելու համար՝ ընդունելության համար սահմանված և նախապատրաստական դասընթացում ուսանած առարկաների համապատասխանության դեպքում:

#### IV. Օտարերկրացիների ուսուցման կազմակերպման պայմանները

- 4.1 Օտարերկրացիների ուսուցումը, հեռացումը /ազատումը/ և վերականգնումը, շարժունությունն իրականացվում են ԱԲՀ-ում գործող կարգերին համապատասխան: Մույն կարգով ընդունված ուսանողների հեռացման /ազատման/ և շարժունության մասին տեղեկություններն ԱԲՀ-ն ներկայացնում է նախարարություն՝ համապատասխան որոշում ընդունելուց հետո, երկշաբաթյա ժամկետում:
- 4.2 Յուրաքանչյուր ուսումնական տարվա ընդունելության ավարտից հետո՝ երկշաբաթյա ժամկետում, ԱԲՀ-ն ՀՀ կրթության և գիտության նախարարություն է ներկայացնում ընդհանուր հիմունքներով ընդունված օտարերկրացիների և սույն կարգով ընդունվածների մասին տեղեկատվություն:
- 4.3 ԱԲՀ-ն ապահովում է օտարերկրացու հետ կնքվող պայմանագրում ՀՀ մուտքի արտոնագիր և ժամանակավոր կացության կարգավիճակ ստանալու վերաբերյալ ՀՀ օրենսդրության պահանջների մասին առանձին դրույթի ներառումը:
- 4.4 Օտար լեզվով ուսուցում կազմակերպելու դեպքում ԱԲՀ-ն՝
- տվյալ մասնագիտությամբ դասավանդվող հիմնական առարկաների գծով ապահովում է նախարարության կողմից յուրաքանչյուր երեք տարին մեկ անգամ ատեստավորված, օտար լեզվով դասավանդելու երաշխավորություն ստացած կամ միջազգայնորեն ընդունված լեզվի իմացության մասին փաստաթուղթ ներկայացրած մասնագետներով.
  - կազմակերպում է վերապատրաստման դասընթացներ՝ օտար լեզվով դասավանդող մասնագետների համար:

#### V. Փաստաթղթերը ներկայացնելու և անձնական գործը վարելու կարգը

- 5.1 Մույն կարգին համապատասխան ԱԲՀ ընդունվող դիմորդները ներկայացնում են հետևյալ փաստաթղթերը՝
1. դիմում՝ ՀՀ կրթության և գիտության նախարարի անունով.
  2. նախարարության կողմից տրամադրված դիմում-հարցաթերթիկ՝ համաձայն ձևի.

3. բժշկական տեղեկանք ընդհանուր առողջական վիճակի մասին: Սույն տեղեկանքը կարող է տրված լինել նաև ՀՀ բժշկական կազմակերպությունների կողմից.
  4. անձնագրի կամ ծննդյան վկայականի բոլոր էջերի պատճենները և /կամ/ մկրտության վկայականը.
  5. կրթական աստիճանի ավարտական փաստաթղթի պատճենը.
  6. 3x4 չափսի 4 լուսանկար,
  7. ինքնակենսագրություն /CV/ հայերենով, ռուսերենով կամ անգլերենով.
- 5.2 Սույն կարգի 5.1 կետի 4-րդ և 5-րդ ենթակետերով նախատեսված փաստաթղթերն ընդունվում են քննարկման՝ օտարերկրյա պետությունում ՀՀ դիվանագիտական ներկայացուցչության կողմից հյուպատոսական վավերացման առկայության դեպքում, եթե այլ բան նախատեսված չէ ՀՀ օրենքներով կամ միջազգային պայմանագրերով:
- 5.3 Փաստաթղթերը նախարարություն ներկայացվում են՝
1. դիմորդի կողմից անձամբ կամ նրա լիազորված անձի կողմից.
  2. ԱԲՀ-ի կողմից.
  3. օտարերկրյա պետություններում ՀՀ դիվանագիտական ներկայացուցչությունների միջոցով.
  4. փոստով /այդ թվում՝ էլեկտրոնային փոստով/ նախարարության պաշտոնական հասցեով:
- 5.4 Ներկայացված դիմումը կարող է մերժվել, եթե սույն կարգի 5.1 կետում նշված փաստաթղթերից որևէ մեկը պատշաճ կերպով չի ներկայացվել, կամ փաստաթղթերը սահմանված ժամկետում չեն ամբողջացվել, ինչպես նաև սույն կարգի 2.11 կետի պահանջներին չհամապատասխանելու դեպքում:
- 5.5 ԱԲՀ-ում պահվող յուրաքանչյուր օտարերկրացու և սույն կարգով ընդունված ուսանողի անձնական գործում պետք է լինեն նաև հետևյալ տեղեկությունները՝
1. ուսումնառության տարիների ընթացքում քաղաքացիության փոփոխության կամ ՀՀ երկքաղաքացիություն ձեռք բերելու դեպքում՝ նոր անձնագրի պատճենը.
  2. ուսումնառության տարիների ընթացքում օտարերկրացիներին վերաբերող փաստաթղթերի /որոշումներ, հրամաններ և այլն/ պատճենները: